

OFFICIA PROPRIA

ARCHIDICÆSIS

FRIBURGENSIS

AD NORMAM KALENDARI

A S. R. C. REVISI ET APPROBATI DIEBUS  
15 APRILIS ET 17 NOVEMBRIS 1914

---

PARS HIEMALIS



RATISBONÆ ET ROMÆ

SUMPTIBUS ET TYPIS FRIDERICI PUSTET

S. SEDIS APOST. ET S. RIT. CONGR. TYPOGRAPHI

NEO EBORACI ET CINCINNATI: APUD FR. PUSTET & CO.

MCMXV

## Approbatio

Concordat cum Originali.

Friburgi, die 8 Aprilis 1915

(L. S.)

✠ Thomas Archiepiscopus

## Imprimatur.

Ratisbonæ, die 15 Aprilis 1915

Dr. Scheglmann Vic. Gen.

## KALENDARIUM PERPETUUM

Omnia ut in Kalendario Ecclesiæ universalis, exceptis  
diebus infra descriptis:

### November

- 27 De Octava S. Conradi, semiduplex.
- 28 De Octava S. Conradi, semiduplex.
- 29 De Octava S. Conradi, semiduplex. Com. Feriæ et S. Saturnini Mart.

### December

- 1 De Octava S. Conradi, semiduplex.
- 2 S. Bibianæ Virg. et Mart., semiduplex. Com. Octavæ.
- 3 Octava S. Conradi Ep. et Conf., duplex majus. Com. S. Francisci Xaverii Conf. (duplex majus.)
- 22 B. Petri Canisii Conf., duplex. (d. a. ex heri.)

### Januarius

- 28 S. Meinradi Mart., duplex. Com. S. Agnetis Virg. et Mart., secundo.

### Martius

- 2 B. Henrici Susonis Conf., duplex.
- 3 S. Cunigundis Imperatricis, Virg., duplex.
- 6 S. Fridolini Conf., duplex. Com. Ss. Perpetuæ et Felicitatis Mm. (duplex.)

# OFFICIA PROPRIA ARCHIDIŒCESIS FRIBURGENSIS

## PARS HIEMALIS

### FESTA NOVEMBRIS

Pro Commemoratione  
S. Conradi  
Episcopi et Confessoris  
In I Vesperis  
Antiphona

**S**acerdos et Póntifix, et virtútum ópifex, pastor bone in pópulo, ora pro nobis Dóminum.

**V.** Amávit eum.

In Laudibus

**Ant.** Euge, serve bone et fidélis, quia in pauca fuísti fidélis, supra multa te constituam, dicit Dóminus.

**V.** Justum dedúxit.

In II Vesperis

**Ant.** Amávit eum Dóminus, et ornávit eum: stolam glóriæ induit eum, et

ad portas paradísi corónavit eum.

**V.** Justum dedúxit.

### Oratio

**S**ancti Pontificis et Confessóris tui Conrádi solémnia celebrántes, te, Dómine, supplíciter obsecrámus: ut ipsum apud tuam cleméntiam sentiámus habére patrónum, quem nobis tua grátia providísti salútis ætérnæ minístrum. Per Dóminum.

Die 28 Novemboris

De III die infra Octavam  
S. Conradi  
Episcopi et Confessoris  
Semiduplex

**I**nfra Octavam et in die Octava Antiphonæ et Psalmi ad omnes Horas et Versus Nocturnorum de occurrenti Hebdomadæ die ut in Psalterio; reliqua ut in Festo præter Lectiones, quæ in I Nocturno dicuntur de Scriptura occur-

renti cum suis Responsoris de Tempore, in II et III Nocturno pro singulis diebus as-signantur propriæ.

### In II Nocturno

Sermo sancti Gregorii Nysseni

In funere magni Meletii, circa medium

### Lectio iv

**G**um primum bene moráta, ac modésta Ecclésia beatum Conrádum vidit, vidit fáciem ad imáginem Dei vere formátam, vidit dilectionem fontis modo scaturiéntem, vidit gráti-am lábiis circumfúsam, ánni demissiónis sum-mum gradum, post quem amplius quidquam cogitári non potest. Vedit man-suetúdinem atque clemén-tiam, qualis in Davídē fuit: qualis in Salomónē, intelligéntiam atque prudéntiam: qualis in Móyse, bonitatē: qualis in Samuélē, perfectionem: qualis in Josépho, continéntiam pudicitiámque: qualis in Daniéle, sapiéntiam: quemádmodum magnus Eliás zelo fidei prædi-tum: sicut sublímis Joán-

nes, integraté córporis ornátum: sicuti Paulus, inexsuperábili prædictum dilectione. Vedit tot bo-norum circa unam ánimam concúrsum. Amóre beátō vulneráta est, casto bono que sponsum suum amóre atque benevoléntia proscúta diléxit.

**R.** Invéni David servum méum, óleo sancto meo unxi eum: \* Manus enim mea auxiliábitur ei. **V.** Nihil proficiet inimicus in eo, et filius iniquitati non nocébit ei. **Manus.**

### Lectio v

**S**ed priusquam cupidi-tátem expléret, ánto-quam desidérium recreáret atque sedáret, amóri vi fervens, tentatióibus athlétam ad certámina vo-cántibus, sola relícta est. Atque ille quidem in cer-tamínibus pro pietáte sus-céptis desudábat; hæc ve-ro durábat in castítate ma-trimónium consérvans. Non ablátus est a nobis sponsus: in médio no-strum stat, etiámsi nos non videámus; in ádytis ac penetrálibus sacérdos est, in interiöribus veli, quo

præcúrso pro nobis in-gréssus est Christus, reli-quit carnis teguméntum. Non amplius signo et umbræ cælestium servit, sed in ipsam rerum imáginem intuétur: non amplius per spéculum, atque per transénnam et ænígma, sed ipsa fácie cum fa-cie colláta intercédit apud Deum.

**R.** Pósui adjutórium su-per poténtem, et exaltávi électum de plebe mea: \* Manus enim mea auxiliábitur ei. **V.** Invéni David servum meum, óleo sancto meo unxi eum. **Manus.**

### Lectio vi

**I**ntercédit autem pro no-bis et pópuli errátis. Depósuit túnicas pellice-as: neque enim tálibus tú-nicis opus habent, qui in paradiso degunt: sed ha-bet induménta, quæ puri-tate vitæ suæ contéxuit, iísque sese exornávit. Ho-noráta ac pretiósá coram Dómino talis viri mors est; immo vero non mors, sed ruptúra membrórum est: Dirupísti enim, in-quit, víncula mea. Dimis-sus est Simeon, liberátus

est a vínculis córporis: lá-queus contritus est, et aví-cula avolávit. Ingréssus est terram promissiónis, in monte cum Deo philo-sophátur. Solvit ánimæ calceaméntum, ut pura planta mentis terram sanc-tam, ubi conspícitur Deus, concénderet.

**R.** Iste est, qui ante De-um magnas virtutes ope-rátus est, et omnis terra doctrína ejus repléta est: \* Ipse intercédat pro pec-catis ómnium populórum. **V.** Iste est, qui contémp-sit vitam mundi, et per-vénit ad cælestia regna. Ipse. Glória Patri. Ipse.

### In III Nocturno

Léctio sancti Evangélii secúndum Matthæum

### Lectio vii Cap. 24, 42-47

**I**n illo témpore: Dixit Je-sus discípulis suis: Vi-giláte, quia nescitis qua hora Dóminus vester ven-turus sit. Et réliqua.

De Homilia sancti Ful-géntii Episcopi

Sermo de Confessoribus

**D**ispensátor vero, quis sit, quem opórtet esse fidé-

lem páriter et prudéntem, Paulus nobis osténdit Apóstolus, qui de se suisque sóciis loquens ait: Sic nos exístimet homo, ut minístros Christi, et dispensatóres mysteriōrum Dei. Ne quis autem vestrum solos Apóstolos dispensatóres factos exístimet, neglectóque militiae spiritális officio, ser-vus piger, infidéliter imprudentérque dormítet, ipse beátus Apóstolus epi-scopos quoque dispensatóres esse osténdens, ait: Opórtet enim episcopum sine crímine esse, sicut Dei dispensatórem.

R. Amávit eum Dóminus, et ornávit eum: stolam gló-riæ induit eum, \* Et ad portas paradisi coronávit eum. V. Induit eum Dó-minus loricam fidei, et or-návit eum. Et.

### Lectio viii

Servi autem patrisfami-lias sumus, dispensatóres Dómini sumus, mensúram trítici, quam vo-bis erogámus, accépimus. Quæ vero sit ista mensúra trítici, si quærámus, ipsam quoque nobis beátus

Paulus Apóstolus ostén-dit, dicens: Unicuíque sic ut Deus divídit mensúram fidei. Quam ergo mensúram trítici Christus nún-cupat, ipsam mensúram fidei Paulus appéllat: ut agnoscámus, non áliud es-se spirítale tríticum, quam christiánæ fidei venerá-bile Sacraméntum.

R. Sint lumbi vestri prae-cincti, et lucernæ ardéntes in mánibus vestris: \* Et vos símiles homínibus ex-spectántibus dómínum suum, quando revertátur a nuptiis. V. Vigiláte ergo, quia nescítis qua hora Dóminus vester ventúrus sit. Et. Glória Patri. Et.

### Lectio ix

Hujus trítici mensúram vobis in nómíne Dó-mini damus, quóties illu-mináti dono grátiae spir-tális, secúndum régulam veræ fidei disputámus: et eámdem trítici mensúram per domínicos dispensatóres accípitis, cum quoti-die per Dei fámulos ver-bum veritáris auditis. De ipsa ergo trítici mensúra loquámur, ex ipsa, sicut Deus divídit, uníversi pa-

scámur; inde aliménta bo-næ vitæ sumámus, ut ad ætérnæ vitæ præmia per-venire possímus: in illum credéntes, in illum sperántes, illum præ ómnibus et in ómnibus diligéntes, qui séipsum nobis et aliméntum præstat, ne deficiá-mus in via: et præmiū servat, ut gaudeámus in pátria.

Te Deum laudámus.

Ad Laudes fit Commemora-tio Feriæ.

In Vesperis fit Commemo-ratio Feriæ.

Deinde Com. S. Saturnini Mart.:

Ant. Iste sanctus pro lege Dei sui certávit usque ad mortem, et a verbis im-piórum non timuit: fundá-tus enim erat supra fir-mam petram.

V. Glória et honóre.

### Oratio

Deus, qui nos beáti Sa-turnini Mártiris tui concédis natalítio pérfrui: ejus nos tribue méritis ad-juvári. Per Dóminum.

Die 29 Novembribis

De IV die infra Octavam S. Conradi Episcopi et Confessoris Semiduplex

### In II Nocturno

Sermo sancti Joánnis Chrysóstomi

In cap. 15 Epist. ad Romanos, Serm. 29, circa finem

### Lectio iv

hristum diligens, et gregem illius útique díligit. Et Móysen tunc primum su-per pópulum Judæórum pósuit, quando, qua es-set in illum benevoléntia, reípsa jam declaráverat. David quoque símili mo-do regno inauguráitus est, posteáquam apparíterat, quam amíco esset in pólum afféctu. Ita quippe juvénis adhuc, póluli cau-sa dóluit ac zelávit, ut et ániam suam expóneret, cum vidélicet bárbarum illum e médio tollébat. Quod vero dicébat: Quid dábitur ei, qui alienigenam hunc interfécerit? non ídeo dicébat, quod mercédem exigeret, sed quo sibi crederétur, et in

pugnam cum illo committeretur; nam cum adépta jam victória ad regem esset ingrüssus, nihil de mercede méminit.

**R.** Invéni David servum meum, óleo sancto meo unxi eum: \* Manus enim mea auxiliábitur ei. **V.** Nihil proficiet inimicus in eo, et filius iniquitatis non nocébit ei. **Manus.**

### Lectio v

**E**t Sámuel quoque benignus erat, et amátor populi: unde et dicébat: Absit autem hoc a me peccátum, ut cesse pro vobis oráre Dóminum. Ita et Paulus, immo non ita, sed multo plus ómnibus ardebat erga súbditos. Unde et discípulos ita erga se animávit, ut diceret: Si possibile fuisset, óculos vestros eruisséti, mihi que dedisséti. Et Christus optimi Pastóris régulam próferens dixit: Bonus pastor ánimam suam ponit pro óvibus. Sunt enim sanctórum ánimæ vehéméntes, et hóminum amantes, non solum erga domésticos sed aliénos, ita ut hanc suam manuetudinem étiam ad ani-

mántia bruta exténdant. Proptérea et sápiens quispiam dixit: Justus miseretur animárum jumentorum suórum. Si jumentorum, multo magis hóminum.

**R.** Pósui adjutórium super poténtem, et exaltávi électum de plebe mea: \* Manus enim mea auxiliábitur ei. **V.** Invéni David servum meum, óleo sancto meo unxi eum. **Manus.**

### Lectio vi

**V**erum quóniam pécorum mentiōnem feci, perpendámus et óvium pastóres illos, qui in Capadocum régione sunt, quália et quanta pro pécorum suórum custódia patiántur. Illi sápenúmero unívérsum tríduum níve óbruti perdúrant. Di-cúntur autem, et qui in Libya sunt, non minóra mala ferre, dum íntegros menses difficilem illam solitudinem, pessimarúm que bestiárum plenam vagando circúmeunt. Si tan-tum erga pécora diligéntiae impéndunt pastóres illi; quam, quæso, excusatiónem habébimus, quibus rationáles ánimæ con-

créditæ sunt, quod profundum hunc somnum dormímus? An ignóras gregis hujus dignitatē? an illius grácia Dóminus tuus innúmera non fecit? an non postrémo et sanguinem suum fudit? Tu vero réquiem quæris? Et quid póterit pejus esse pastóribus istis?

**R.** Iste est, qui ante Denum magnas virtutes operáti est, et omnis terra doctrína ejus repléta est: \* Ipse intercédat pro pecatatis ómnium populórum. **V.** Iste est, qui contémpsit vitam mundi, et pervénit ad célestia regna. **Ipse. Glória Patri. Ipse.**

### In III Nocturno

Léctio sancti Evangélii secúndum Mattháeum

### Lectio vii Cap. 24, 42-47

**I**n illo tempore: Dixit Jesus discípulis suis: Vigiláte, quia nescítis qua hora Dóminus vester venturus sit. Et reliqua.

Homilia sancti Joánnis Chrysóstomi

**Homil. 78 in Matth. ante med.**

**P**roptérea hæc dicit Dóminus discípulis, ut vigilent, ut

júgiter parati sint, quia qua non existimant hora, venturus est. Sollicitos igitur facit et curiosos, ne umquam virtutem négligant. Tale quid autem est, quod dicitur: Si præscirent hómines, quando moritúri sint, diligéntiam suam circa illam horam osténderent. Ne igitur in illo solúmmodo tempore, sed continue diligéntes sint, nec generálem, nec singularem horam prædicat, ut semper exspectando, semper viginent: hac enim ratione téminum vi-tæ uniuscujusque occuluit.

**R.** Amávit eum Dóminus, et ornávit eum: stolam gloriæ induit eum, \* Et ad portas paradisi coronávit eum. **V.** Induit eum Dóminus loricam fidei, et ornávit eum. **Et.**

### Lectio viii

**D**einde líquido, ádeo ut numquam liquídius, Dóminus se ipsum appellávit. Hæc autem étiam ad erubescéntiam desidiæ mihi dicta vidéntur: majorem enim diligéntiam pecuniárum conservandá-

rum habent furem exspectantes, quam vos salutis animae. Vigilant enim tunc, ne aliquid sibi surripiatur: vos vero, quamvis certo sciatis venturum Dominum, non perseveratis tamen, neque ita vigilatis, ut possitis non impræparati ex hac vita discedere. Quapropter cum perniciose dormientium dies ille venturus est.

**R.** Sint lumbi vestri præcincti, et lucernæ ardentes in manibus vestris: \* Et vos similes hominibus exspectantibus dominum suum, quando revertatur a nuptiis. **V.** Vigilate ergo, quia nescitis qua hora Dominus vester venturus sit. **Et.** Gloria Patri.

**Et.**

### Lectio ix

**N**am quemadmodum non laederetur ille furto, si furem sciret venturum; sic et vos, quoniam scitis dominum venturum, patriones esse debetis. Ceterum quoniam judicium mentionem fecit, ad Doctores etiam vertit orationem, de poena et meritis disserens. Et primo bonis collatis ad peccatores

exitum facit, commodissime orationem concludens. Quis ergo, inquit, fidelis servus et prudens, quem constituit dominus super familiam suam, ut det illis cibum in tempore?

**T**e Deum laudamus.

**A**d Laudes fit Com. Feriae.

**D**einde Com. S. Saturnini:

**A**nt. Qui odit animam suam in hoc mundo, in vitam æternam custodit eam.

**V.** Justus ut palma.

**O**ratio Deus, qui nos, **ut supra.** 9\*

Vesperæ de sequenti (S. Andrea Ap.) Com. Feriae tantum.

### FESTA DECEMBRIS

Die 1 Decembbris  
De VI die infra Octavam  
S. Conradi  
Episcopi et Confessoris

Semiduplex

### In II Nocturno

Lectiones de Sermone S. Maximini Ad sancti ac beatissimi Patris nostri Conradi, **ut in Breviario de Communis Conf. Pont. I loco.**

### In III Nocturno

Læctio sancti Evangelii secundum Matthæum

### Lectio vii Cap. 24, 42-47

In illo tempore: Dixit Jesus discipulis suis: Vigilate, quia nescitis qua hora dominus vester venturus sit. Et reliqua.

De Homilia sancti Joannis Chrysostomi

Unde supra

**H**oc autem in loco, ne rursus curiosus perscrutentur, et adhuc, ut, quod rarius est, pluris ostendat. Expende autem qualem haec verba ignorantium significare possunt, siquidem a se constitutum super familiam suam ignoraret. Præterea beatificat quidem eum, (Beatus enim, inquit, servus ille); quis vero sit, silentio tradidit: quis enim est, aut quomodo constituet dominus super familiam suam, quem invenerit sic facientem? Hæc non de pecuniis solùmmodo, verum etiam de verbis, de virtute, de omni dispensatione singulo homini concésssa, dicta sunt.

**R.** Amavit eum dominus, et ornavit eum: stolam gloriæ induit eum, \* Et ad portas paradisi coronavit eum. **V.** Induit eum dominus loricam fideli, et ornavit eum. **Et.**

### Lectio viii

**H**æc parábola vel ad gérentes gubernantés que rempùblicam accommodari potest. Docet enim unumquemque ad communem utilitatem ómnia conférre, quæ sua sunt, sive sapiéntiam, sive principátum, sive quidquid aliud, non ad detrimentum conservórum, nec ad perditionem suam. Quapropter utrumque ab eo fligat, prudéntiam scilicet atque fidem. Delicta enim ab améntia originem habent.

**R.** Sint lumbi vestri præcincti, et lucernæ ardentes in manibus vestris: \* Et vos similes hominibus exspectantibus dominum suum, quando revertatur a nuptiis. **V.** Vigilate ergo, quia nescitis qua hora dominus vester venturus sit. **Et.** Gloria Patri. **Et.**

**Lectio ix**

**F**idélem igitur appéllat, quóniam nihil ex rebus dómini sibi attribuit, nec incássum quidquam expéndit; prudéntem autem, quia dispensáre nō verit: opportúne síquidem utráque re nobis opus est, ne scilicet, quae dómini sunt, ad próprios usus rapiámus, et ut opportúne ómnia dispensémus.

**Te Deum laudámus.**

Ad Laudes fit Com. Feriæ. Vesperæ de sequenti (S. Bibiana Virg. et Mart.), Com. præcedentis, ut supra 5\*, et Feriæ.

**Die 3 Decembri  
In Octava S. Conradi  
Episcopi et Confessoris**

Duplex majus

In I Vesperis fit Com. præcedentis (S. Bibiana Virg. et Mart.):

**Ant.** Veni, sponsa Christi, áccipe corónam, quam tibi Dóminus præparávit in ætérnum.

**V.** Diffusa est.

**Oratio**

**D**eus, ómnium largítor bonórum, qui in fácula tua Bibiána cum vir-

ginitátis flore martyrii palam conjunxísti: mentes nostras ejus intercessióne tibi caritáte conjúnge; ut amótis periculis præmia consequámur ætérna.

**Deinde Com. S. Francisci Xaverii Conf. (duplex majus)**

**Ant.** Similábo eum viro sapiénti, qui ædificávit domum suam supra petram.

**V.** Justum dedúxit.

**Oratio**

**D**eus, qui Indiárum Genes beati Francisci prædicatione et miráculis Ecclésiæ tuæ aggregáre voluísti: concéde proptius; ut, cujus gloriósa mérita venerámur, virtutum quoque imitémur exempla.

Postea Com. Feriæ.

**In II Nocturno**

Sermo sancti Gregórii Papæ

Part. 2 Pastoralis, cap. 1

**Lectio iv**

**B**antum debet actionem populi ad tio transcéndere præsulis, quantum distare solet a grege vita pastoris. Opórtet namque, ut

metrí se sollícite stúdeat, quanta tenéndæ rectitudinis necessitaté constringitur, sub cujus aestimatióne pópulus grec vocátur. Sit ergo necesse est cogitatione mundus, actione præcipiuus, discréetus in siléntio, útilis in verbo, singulis compassióne próximus, præ cunctis contemplatione suspensus, bene agéntibus per humilitatem sócius, contra delinquéntium vitia per zelum justitiæ eréctus, internórum curam in exteriórum occupatione non minuens, exteriórum prvidéntiam in internórum sollicitudine non relínquens.

**R.** Invéni David servum meum, óleo sancto meo unxi eum: \* Manus enim mea auxiliabitur ei. **V.** Nihil proficiet inimicus in eo, et filius iniquitatis non nocébit ei. **Manus.**

**Lectio v**

Part. 2 Pastor. cap. 9 et 10

**C**onsiderandum quoque est, quia cum curam pópuli electus præsul suscipit, quasi ad ægrum médicus accédit. Si ergo adhuc in ejus corpore pas-

siones vivunt, qua præsumptiōne percíssum medéri prörperat, qui in facie vulnus portat? Ille modis ómnibus debet ad exemplum bene vivéndi pértrahi, qui cunctis carnis passiōníbus móriens, jam spiritáliter vivit, qui prospera mundi postpónit, qui nulla adversa pertimescit, qui sola intérna desíderat: cuius intentioni bene cóngruens, nec omnino per imbecillitatem corpus, nec valde per contumaciā repugnat spíritus: qui ad aliena cupiénda non dúcitur, sed pròpria largitur.

**R.** Pósui adjutórium super poténtem, et exaltávi eléctum de plebe mea: \* Manus enim mea auxiliabitur ei. **V.** Invéni David servum meum, óleo sancto meo unxi eum. **Manus.**

**Lectio vi**

Ibid. cap. 8

**U**nde ipsum quoque episcopátus officium boni óperis expressiōne definitur, cum dícitur: Si quis episcopátum desíderat bonum opus desíderat. Ipse ergo sibi testis est, quia episcopátum non ap-

petit, qui non per hunc boni operis ministerium, sed honoris gloriam querit. Sacrum quippe officium non solum non diligit omnino, sed nescit, qui ad culmen regiminis anhelans, in occulta meditatione cogitationis, ceterorum subjectione passitur, laude propria lætatur, ad honorem cor elevat, rerum affluentium abundantia exsultat. Mundi ergo lucrum queritur sub ejus honoris specie, quo mundi destrui lucra debuerant.

**R.** Iste est, qui ante Deum magnas virtutes operatus est, et omnis terra doctrina ejus repleta est:

\* Ipse intercedat pro peccatis omnium populorum.

**V.** Iste est, qui contempsit vitam mundi, et pervenit ad caelestia regna.

Ipse. Gloria Patri. Ipse.

### In III Nocturno

Lectio sancti Evangelii secundum Matthaeum

**Lectio vii Cap. 24, 42-47**

In illo tempore: Dixit Jesus discipulis suis: Vigilate, quia nescitis qua-

hora Dominus vester venturus sit. Et reliqua.

Homilia sancti Ambrosii Episcopi

De Fide, lib. 5 cap. 8

**D**uærimus, qua ratione Dominus designare momenta noluerit. Si queramus, non ignorantiæ invenimus esse, sed sapientiæ. Nobis enim scire non prôderat, ut dum certa futuri judicii momenta noscimus, semper tamquam in excubis constituti, et in quadam virtutis spacula collocati, peccandi constetudinem declinemus, ne nos inter vitia dies Domini deprehendat.

**R.** Amavit eum Dominus, et ornavit eum: stola gloriæ induit eum. Et ad portas paradisi coronavit eum. **V.** Induit eum Dominus loricam fidei, et ornavit eum. **Et.**

### Lectio viii

**N**on enim prodest scire, sed metuere quod futurum est; scriptum est enim: Noli alta sapere, sed time. Nam si diem designasset expresse, uni-

ætati hominum, quæ proxima erat iudicio, videretur disciplinam praescripsisse vivendi superioris temporis; aut justus esset remissior, aut peccator secundior. Namque adulterer, nisi quotidiam pœnam metuat, non potest adulterandi cupiditatem desinere.

**R.** Sint lumbi vestri præcincti, et lucernæ ardentes in manibus vestris: \* Et vos similes hominibus expectantibus dominum suum, quando revertatur a nuptiis. **V.** Vigilate ergo, quia nescitis qua hora Dominus vester venturus sit. **Et. Gloria Patri. Et.**

Pro S. Francisco Xaverio:

### Lectio ix

**F**ranciscus, in Xavero dioecesis Pampelonensis nobilibus parentibus natus, Parisiis sancto Ignatio sese cõmitem et discipulum junxit, et brevi mira vitae austerioritate et rerum divinarum assidua contemplatione clarius. A Paulo tertio apostolicus nuntius pro Indiis creatus, provincias innumeras pedibus semper, et saepe

nudis, peragravit. Fidem Japoniae et sex aliis regionibus invexit. Multa centena hominum millia ad Christum in Indiis convertit; magnisque principes regesque complures sacro fonte expiavit. Eatamen erat humilitate, ut sancto Ignatio, praeposito suo, flexis genibus scriberet. Ejus dilatandi Evangelii ardorem multitudo et excellētia miraculorum Dominus roboravit. Demum in Sanciano, Sinnarum insula, die secunda Decembris, obiit plenus meritis, laboribusque confectus. Eum Gregorius decimus quintus inter Sanctos retulit, Pius auctem decimus sodalitati et opere Propaganda Fidei celestem patronum constituit.

Te Deum laudamus.

Ad Laudes fit Com. S. Francisci Xaverii:

**Ant.** Euge, serve bone et fideliis, quia in pauca fuisti fideliis, supra multa te constitutam, intra in gaudium Domini tui.

**V.** Amavit eum.

**Oratio** Deus, qui Indiarum, ut supra. 14\*

Deinde Com. Feriae.

In II Vesperis Com. sequentis (S. Petri Chrysologii Ep., Conf. et Eccl. Doct.):

**Ant.** O Doctor óptime, Ecclesiæ sanctæ lumen, beáte Petre Chrysóloge, divinæ legis amátor, deprecáre pro nobis Fílium Dei.

**V.** Amávit eum.

### Oratio

**D**eus, qui beátum Petrum Chrysólogum Doctórem egrégium, divinitus præmonstráatum, ad regéndam et instruéndam Ecclesiás tuam élegi voluisti: præsta, quísumus; ut, quem Doctórem vitæ habuimus in terris, intercessórem habére mereámur in cælis.

Deinde Com. S. Francisci Xaverii:

**Ant.** Hic vir despiciens mundum et terréna, triúmphans, divitias cælo cón-didit ore, manu.

**V.** Os justi.

**Oratio** Deus, qui Indiárum, ut supra. 14\*

Postea Com. Feriae.

Denique Com. S. Barbaræ Virg. et Mart.:

**Ant.** Veni, sponsa Christi: áccipe corónam, quam

tibi Dóminus præparávit in ætérnum.

**V.** Spécie tua.

### Oratio

**D**eus, qui inter cétera poténtiæ tuæ mira- la étiam in sexu frágili vio-toriā martyrii contulisti concéde propítius; ut, qui beátæ Bárbaræ Virginis et Mártyris tuæ natalitia cólimus, per ejus ad te exémpla gradiámur. Per Dóminum.

Die 22 Decembris

B. Petri Canisii

Confessoris

(d. a. ex 21 hujus)

Duplex (m. t. v.)

**Ant.** Similábo eum viro sapiénti, qui ædificávit domum suam supra petram.

**V.** Amávit eum.

### Oratio

**D**eus, qui ad tuéndam cathólicam fidem beatum Petrum Confessórem tuum virtute et doctrina roborásti: concéde propítius; ut ejus exémplis et móniis errántium corda ad salútem resipíscant, et fidélium mentes in veritatis confessione persevérant. Per Dóminum.

Et fit Commemoratio Feriae:

**Ant.** O Oriens, splendor lucis ætérnæ, et sol justitiae: veni, et illúmina sé-dentes in ténebris, et umbra mortis.

**V.** Roráte cæli.

Oratio conveniens.

In I Nocturno, si sumendæ sint de Communi, Lectiones Beátus vir, 1 loco.

In II Nocturno

Lectio iv

**P**etrus Canisius Noviomagi in Géldria natus est eo ipso anno, quo Luthérus in Germánia, aperta rebellióne, ab Ecclesiá descivit, et Ignátius de Loyola in Hispánia, terréstri militia abdicáta, ad præliandum prælia Dómini se cónolut; Deonimírum portendéto, quos ille post-hac adversários, quem sacrae militiæ ducem esset habiturus. Coloniæ Agripinæ, quo studiorum causa concésserat, primus Germanórum Societati Je-su nomen dedit; et sacerdótio auctus, summo pópuli Coloniénsis cleri-que consénsu, ad Geórgium Pontificem Leodiénsium, et ad Cárolum quintum

Augústum advérsus Her-mánnum archiepiscopum,

qui palam hæresim præse ferébat, legátus est. Ob præcláram sapiéntiam et explorátum rerum usum a Cardináli Augustáno et a pontificiis legátis magnópere expetitus, semel atque iterum Concilio Tridentino intérfuit; cuius étiam decréta ex auctoritate Pii quarti Pontificis Máxi-mi rite per Germániam promulgánda et in morem inducénda curávit. A Pau-lo quarto ad convéntum Petricoviéensem ire jussus aliisque a Gregório déci-mo tértio legatióibus ob-eundis adhibitus, álaci semper et numquam fracto a difficultatibus ánimo, gravíssima religiónis ne-gótiia tractánda suscépit, ac vel inter præséntia vi-tæ discrímina ad exitum felíciter perdúxit.

**R.** Honéstum fecit illum Dóminus, et custodivit eum ab inimicis, et a seductóribus tutávit illum:

\* Et dedit illi claritatēm ætérnam. **V.** Justum dedúxit Dóminus per vias rectas, et osténdit illi regnum Dei. **E.** t.

## Lectio v

**D**ivinæ gloriæ amplificandæ intèntus, dici vix potest, quot per annos amplius quadraginta labores suscéperit, ærumnásque pertulerit. Cunctis fere Germániæ regiònibus peragratis, omne hóminum genus saluberrimis institutis publice et privátim excóluit; plurésque urbes atque províncias vel ab hæréseos contagione deféndit, vel hæresi infecta cathólicæ fideli restituit. In Ratisbonensi et in Augustáno convéntu impérii prôceres ad iura Ecclésiae tuénda et mores populórum emendandos excitavít: in Wormaldiensi insolescéntes impietatis magistros ad siléntium adégit. Collégium Germánicum, quod Romæ constitútum fúerat, omni ope provéhere atque amplificare stûdium; in académia sacrarum humana-rúmque disciplinárum stúdia, miserandum in modum collápsa, instaurávit; contra Centuriatóres Magdeburgenses plura egrégie conscrípsit: et Summam doctrinæ christiánæ,

theologórum judicio et pùblico usu comprobátam, aliáque ad rudiórum institutióñem aptissima in vulgus édedit. A sancto Ignátio Germánicae provinciae moderándæ p्रfectus, domos et collégia multis in locis cóndidit, et evangélicos operários in omnem Germániam misit ad erróres stirpitus elevlendos, serendámque piétam. Quam ob rem harficórum málleus et Germániæ apóstolus appellatus et plane dignus hábitus est, qui ad tutandam in Germániâ religiōnem datus divinitus putarétur.

**R.** Amávit eum Dóminus, et ornávit eum: stola gloriæ induit eum, \* Et ad portas paradisi coronávit eum. **V.** Induit eum Dóminus loricam dei, et ornávit eum. **Et.**

## Lectio vi

**I**nter hæc precatiōne crebra, et assídua rerum supernárum commentatiōne Deo se conjungere solitus erat; quin etiam noctes sàpē integras perfusus lácrimis et abducto sensibus ánimo oratiōni

dabat. A viris principib⁹ et a quátuor summis Pontificibus magno in honore hábitus, ádeo de se démisso sentiébat, ut se ómnium minimum et diceret et habéret. Viennensem episcopátum semel, iterum ac tertio recusávit; nec nisi ægerrime addúci pótuit, ut illius Ecclésiae procuratióñem per annum exercéret. Moderatórib⁹ suis obsequentissimus, parátus erat ad ipsórum nutum ómnia relinquere, aut aggredi, etiam cum valétdinis et vitæ periculo. Virginitatem, quamadoléscens Deo vóverat, voluntaria sui ipsius coérctiōne perpétuo sepsit. Demum Fribúrgi Helvetiorum, ubi plúrimum pro Dei gloria et salúte animárum desudáverat, migrávit ad Deum, duodécimo Kaléndas Januárii, anno millésimo quingentésimo nonagésimo séptimo, ætatis suæ séptimo supra septuagesimum. Mórtuo, tamquam parénti público, cívitas unívrsa concúrsu prope incredibili et multis lácrimis parentávit. Sepulchrum ejus prodigiórum fama duóbus ámplius sacerulis tota Germániâ incláruit: e quibus quátuor rite probátis, Pius nonus Póntifex Máximus strenuissimo cathólicæ veritatis propugnatōri cælitum Beatorum honores decretivit.

**R.** Iste homo perfécit ómnia, quæ locútus est ei Deus, et dixit ad eum: Ingrédere in réquiem meam: \* Quia te vidi justum coram me ex ómnibus géntibus. **V.** Iste est, qui contémpsit vitam mundi, et pervénit ad cælestia regna. **Quia.** Glória Patri. **Quia.**

In III Nocturno Homilia in Evangelium Nolite timére, de Communi Conf. non Pont. 2 loco.

In Quatuor Temporibus IX Lectio de Homilia Feriæ.

Ad Laudes fit Commemoratio Feriæ.

In II Vesperis Commemoratio Feriæ:

**Ant.** O Rex Géntium, et desiderátus eárum, lapisque anguláris, qui facis útraque unum: veni, et salva hóminem, quem delimo formásti.

**V.** Roráte cæli.

Oratio conveniens.

**FESTA JANUARII**

Die 28 Januarii

**S. Meinradi Martyris**

D u p l e x

**Oratio**

**P**rästa, quæsumus omnipotens Deus: ut, qui beati Meinrádi Mártiris tui natalitia cólimus, intercessióne ejus in tui nóminis amóre roborémur. Per Dóminum.

*Et fit Com. præcedentis (S. Joannis Chrysostomi Ep., Conf. et Eccl. Doct.):*

**Ant.** O Doctor óptime, Ecclesiæ sanctæ lumen, beáte Joánnes Chrysóstome, divinæ legis amátor, deprecáre pro nobis Filiū Dei.

**V.** Justum dedúxit.

**Oratio**

**E**cclésiam tuam, quæsumus Dómine, grátia cælestis amplificet: quam beáti Joánnes Chrysóstomi Confessór is tui atque Pontíficis illustrare volústi gloriósiméritis, et doctrinis.

*Deinde Com. S. Agnetis Virg. et Mart. secundo:*

**Ant.** Stans a dextris ejus Agnus nive candidior,

Christus sibi sponsam et Mártyrem consecrávit.

**V.** Spécie tua.

**Oratio**

**D**eus, qui nos ánnua beatæ Agnétis Virginis et Mártiris tue solemnitatem lètificas: da, quæsumus; ut, quam venerámur officio, étiam piæ conversationis sequámur exemplo. Per Dóminum.

**In II Nocturno****Lectio iv**

**M**einrádus ex nobilli genere in Alamánia natus, adhuc puer a Berthóaldo patre, Sulgóviae cómite, in sacrum Augiæ monastérium delatús traditúsque est Erlebáldo propinquo, exímia pietate mónacho. Cum mox plúrimum in virtutibus et scientiis profecisset, annos natus vixinti quinque presbyter et deinde mónachus factus, céteros aemulatores longe anteivit. Probáta igitur ejus in virtutibus christianiis perfectiōne, stúdio Bollingénsis ascetérīi prefectus fuit; quo loco anchoríticæ vitæ desidério mox flagrare cœpit.

**R.** Honéstum fecit illum Dóminus, et custodívit eum ab inimícis, et a seductóribus tutávit illum:

\* Et dedit illi claritatem ætéram. **V.** Descendit que cum illo in fóveam, et in vinculis non dereliquit eum. **Et.**

**Lectio v**

**I**gitur exploráta aliquando vicini saltus commoditatē, habitáque Abbátis vénia, Missáli, Breviário, sancti Benedicti régula et Cassiáni opúsculis secum sumptis, in Ezélium concéssit montem, lácui Turicíno imminéntem, in quo jejúnii, vigiliis, corporis afflictatiōibus áspérum septénnium egit. Cum vero frequenter hóminum ad admirabilis sanctitatis ejus experiéndam utilitatem accedéntium concúrsum gravem admodum experiretur, ad hunc vitandum simulque ad tranquillitatem consequéndam, in vastissimam silvæ obscuræ solitudinem sese abdidit, et cíllula ac oratório in accommoda planitié constrúcitis, vitæ réliquum admiranda sanctitatem per-

égit. Ibi septénnis Puérulus augustissima spécie e sacrário procédere cumque eo orare, et quæ non licet hómini arcána loqui, ei communicare est visus.

**R.** Desidérium ánime ejus tribuísti ei, Dómine:

\* Et voluntatē labiōrum ejus non fraudásti eum.

**V.** Quóniam prævenisti eum in benedictiōibus dulcēdinis: posuísti in cápite ejus corónam de lápide pretioso. **Et.**

**Lectio vi**

**V**iginti sex annis in tam vasta erémo a viro sancto sanctissime absúmptis, duo nefárii hómines advérsus eum conjuráti in solitúdinem adventarunt, et quamvis humanissime ab eódem excepíti, deque eorúmdem propósito ab ipso edócti, impie nihilominus diréque cæsum miserabiliter strangulárunt, duodécimo Kalendas Februárii, anno Redemptiōnis octingéntisimo sexagésimo primo. Quam grata autem Deo fuerit hæc víctima, nonnulla mox mirácula comprobárunt. Céreus enim

**Ad Laudes fit Com. S. Agnētis secundo:**

**Ant.** Ecce, quod concupivi, jam video: quod speravi, jam téneo: ipsi sum juncta in cælis, quem in terris pósita, tota devotio ne dilexi.

**V.** Diffusa est.

**Oratio** Deus, qui nos, ut supra. 22\*

Vesperæ a Capitulo de se-  
quenti (S. Francisco Salesio  
Ep., Conf. et Eccl. Doct.), Com.  
præcedentis :

**Ant.** Qui vult venire post  
me, abneget semetipsum,  
et tollat crucem suam, et  
sequatur me.

**V.** Justus ut palma.

**Oratio** Præsta, quāsu-  
mus, ut supra. 22\*

## FESTA MARTII

Die 2 Martii

**B. Henrici Susonis**  
**Confessoris**

(d. a. ex 25 Januarii)

Duplex (m. t. v.)

**Oratio**

Deus, qui beatum Hen-  
rīcum Confessōrem  
tuum cōporis mortifica-  
tionē et caritatē mirábi-

lem effecisti: concéde; ut Christum crucifixum corde diligere, et opere in nobis exprimere valeamus. Per eūdem Dōminum nostrum.

**Et in Quadragesima fit Com.**  
**Feriae.**

In I Nocturno, si sumendosint de Communi, Lectiones Beatus vir, 1 loco.

### In II Nocturno

#### Lectio iv

**H**enrīcus Suso, Jo-  
ánnes a Suévia  
dictus, ubi ex il-  
lústri familia ortus, cog-  
nomen non a patre Mon-  
tése, sed pótius Suso a  
Matre, ceu piissima fē-  
mina retinuit. Juste sanc-  
téque educátus ádeo in  
virtutibus profécit, ut dé-  
cimo tertio ætatis anno  
ad altiora a Deo voca-  
tus, Prædicatórum Ordini  
Constántia nomen dederit. Humānae vero fragilatí in religióne páulu-  
lum indulgens, per quin-  
quénnum ita se hábuit,  
ut leves communésque  
culpas parvipéndret, do-  
nec eum Deus, volens di-  
vítias misericordiæ sus-  
osténdere, a terrénis af-

féctibus expedítum ad se  
pénitus attráxit: propter-  
eaque Henrīcus intérnis  
certamínibus et afflictionibus,  
quibus retardabatur a via perfectiōnis,  
magno ánimo superáatis,  
cælestib⁹ solum inhians,  
Dei præsentiam júgiter  
contemplári constituit.

**R.** Honéstum fecit illum  
Dóminus, et custodívit  
eum ab inimicis, et a seductórib⁹ tutávit illum:  
\* Et dedit illi claritátem  
ætérnam. **V.** Justum dedú-  
xit Dóminus per vias rectas,  
et osténdit illi regnum  
Dei. **Et.**

#### Lectio v

**C**hristiánæ mortificatiō-  
nis exémplar effectus,  
Christi passiōnem in se-  
metipso exprimere miris  
abstinéntiis corporisque  
cruciatiōbus conáitus est;  
nam cilicium et caténam  
férream ácubus armátam  
diu noctúque gestávit, et  
in ejúdem passiōnis mem-  
oriā ligneam crucem  
clavis ferreis hórridam in-  
ter scápulas ad carnem  
sibi aptávit. Super nudam  
tábulam, ac sine ullo  
operiménto dormire sole-

bat; multis prætérea vigiliis,  
flagellatiōibus aliis-  
que pœnitentiæ opéribus  
corpus suum, tamquam in-  
fensiōnum hostem, quotidie in servitūtem redé-  
git. Divino amóre vehe-  
menter accénsus, nomen  
Jesu sinistro pectoris lá-  
teri stylo ferreo impré-  
sis; sed Deus, qui ad sub-  
limiora illum vocáverat,  
cörperis cruciatiōbus hisce  
amariōres spiritus afflictionēs adjúnxit.

**R.** Amávit eum Dómi-  
nus, et ornávit eum: sto-  
lam glóriæ induit eum,  
Et ad portas paradisi co-  
ronávit eum. **V.** Induit  
eum Dóminus lorícam fi-  
dei, et ornávit eum. **Et.**

#### Lectio vi

**Q**uib⁹ angústiis, nec  
non hóminum molé-  
stias ac persecutiōnibus  
Henrīcus úndique jactá-  
tus, in Dei bonitáte confidens,  
firma spe, humili-  
tate et patiēntia de advé-  
ris triumphávit. In Ordini  
observationibus erat  
sollicitus, orándi habens  
stúdium indeféssum, ac  
siléntium ita servans, ut  
numquam illud frégerit.

tum propriis facultatibus fundatum, beato Petro Apostolorum Principi, Romanæque Ecclesiæ vec-tigalem fecerunt, pluribus aliis templis et cœnobitis cœsareae plane munificen-tia locupletatis. Cum pene omnia, quæ habebat in terris, Christi ecclesiis, ac pauperibus distribuisset, seipsam quoque defuncto viro in Jesu Christi obsque-rium impendit, ac sancti Patris Benedicti regulam professa, et regnum mundi et omnem ornatum sæculi ingenti animi demis-sione contémnens, sanctum religiosæ vite propo-situm usque ad mortem exactissime custodivit.

**R.** Dilexisti justitiam, et odisti iniquitatem: \* Prop-tea unxit te Deus, Deus tuus, óleo latitiae. **V.** Propter veritatem, et man-suetudinem, et justitiam. Propterea.

### Lectio vi

Jugi itaque virtutum ex-ercitio, cum annos quindecim in cœnobia bo-norum opérum méritis cu-mulata transegisset, ad ca-léstis Agni nuptias, quas

únice optáverat, invitata sancto fine quiévit. Fámu-læ suæ sanctitatem Deus illico postmodum crebris miraculis demonstravit; nam ad ejus tumulum cæci visum, claudi gressum, surdi auditum, muti lo-quélam, aliisque multis ac diuturnis affécti lan-guóribus salútem retulé-runt; sed illud inprímis nobile, quod pulvis de se-púlchro ejus assúmptus sæpe in frumentum con-verti repertus sit. Quibus rite probátis, ab Innocén-tio tertio Pontifice Máxi-mo sanctarum vírginum número est adscripta.

**R.** Afferentur Regi vírgines post eam, próxime ejus \* Afferentur tibi in laetitia et exsultatione. **V.** Spécie tua et pulchritu-dine tua intende, próspere procéde, et regna. Afferentur tibi. **Gloria Patri.** Afferentur tibi.

In III Nocturno Homilia in Evangel. Simile erit regnum cœlorum decem virgínibus, de Communi 1 loco.

In Quadragesima IX Lectio de Homilia Feriæ, et fit ejus Com. in Laudibus.

In Vesperis Com. sequentia (S. Casimi Conf.).

**Ant.** Similábo eum viro sapiénti, qui ædificávit do-mum suam supra petram.

**V.** Amávit eum.

### Oratio

**D**eus, qui inter regáles delicias, et mundi il-lécebras, sanctum Casimi-rum virtute constántiae ro-borásti: quæsumus; ut ejus intercessióne fidéles tui terréna despiciant, et ad cœlestia semper aspi-rent.

Deinde post Com. Feriæ in Quadragesima Com. S. Lucii I Papæ et Mart.:

**Ant.** Iste sanctus pro lege Dei sui certávit us-que ad mortem, et a verbis impiórum non timuit: fundátus enim erat supra firmam petram.

**V.** Glória et honore.

### Oratio

**D**eus, qui nos beati Lú-cii Mártyris tui atque Pontificis ánnua solemni-tate lætificas: concéde propitius; ut, cuius na-talitia colimus, de ejusdem étiam protectione gaudeá-mus. Per Dóminum.

Die 6 Martii  
S. Fridolini Confessoris

### D u p l e x

### Oratio

**D**eus, qui perfécte co-ram te ambulántibus protéctor es et merces magna nimis: da nobis beáti Fridolini Abbátis in-tercessióne et exémplo temporália despiceret, et ad te tota mentis intentione festinare. Per Dó-minum nostrum.

**E**t fit Com. Ss. Perpetuae et Felicitatis Mm.:

**Ant.** Istárum est enim re-gnum cœlorum, quæ con-tempserunt vitam mundi, et pervenérunt ad præmia regni, et lavérunt stolas suas in sanguine Agni.

**V.** Glória et honore coro-násti eas, Dómine. **R.** Et constituisti eas super ópe-ra mánuum tuárum.

### Oratio

**D**a nobis, quæsumus, Dómine Deus noster, sanctarum Mártyrum tuárum Perpetuæ et Felicitatis palmas incessábili de-votione venerári: ut, quas digna mente non pôssuimus celebrare; humílibus saltem frequentémus ob-séquiiis. (Per Dóminum.)

Deinde in Quadragesima  
Com. Feriae.

In I Nocturno, si sumenda  
sint de Communi, Lectiones  
Beatus vir, 1 loco.

**In II Nocturno**  
**Lectio iv**

**F**ridolinus, in Hibernia nobili gêne ortus, jam a juventute scientia ac pietate eluxit. Sacerdotio insignitus et maxime egregiis animi dôbitibus praeditus, verbum Dei cum tanta eloquentia et cum tanto omnium applausu prædicabat, ut præcipuis honóribus propter suam artis oratóriæ peritiam afficeretur. Ast celebritatem humilitati postponens, divitias et omnem sæculi pompam spernens, opes paternas inter cognatos, páuperes et ecclésias divisit, sicque sponte pauper factus, pátriam reliquit et in Galliam sese contulit.

**R.** Honestum fecit illum Dóminus, et custodivit eum ab inimicis, et a seductóribus tutavit illum: \* Et dedit illi claritatem æternam. **V.** Justum deduxit Dóminus

per vias rectas, et ostendit illi regnum Dei. **Et.**

**Lectio v**

**I**bi variis in locis cum ingenti zelo verbum Dei annuntiando, multos in virtute firmavit, multos ad poenitentiam vocavit, plurimos ad veri Dei notitiam et cultum perduxit. Tandem in Pictavii subúrbiis constituit, ubi monastérii sancti Hilárii electus fuit Abbas. In rudéribus ecclésiae suæ ossa magni Hilárii detexit, eaque in ecclésia, quam delapsam una cum monastério instauravit, honorifice recordidit.

**R.** Amavit eum Dóminus, et ornávit eum: stolam gloriæ induit eum, \* Et ad portas paradisi coronavit eum. **V.** Induit eum Dóminus lorícam fidei, et ornávit eum. **Et.**

**Lectio vi**

**C**aritatis igne consumptus Pictavium reliquit, plures Galliæ provincias lustravit, quasi tuba exaltans vocem suam, verbi Dei indefessus præco. Vária in variis locis templo et monastéria struxit. In Alsátia quoque et

secuti sumus te: quid ergo erit nobis? Et reliqua.

Homilia sancti Hilárii  
Episcopi  
Can. 20

**H** póstoli dictis Dómini hæc reddunt: reliquisse se omnia et cum ipso esse. Quibus Dóminus, cum séderit in majestatis suæ sede, sessuos super sedes duodecim ac tótidem tribus Israël judicaturos spopondit, omnibusque qui universa reliquerint propter nomen ejus, fructum cęntupli præmii reservatum, multos autem ex novissimis primos futuros et ex primis futuros novissimos. Multa sunt, quæ non sinunt nos simplici intellectu dicta evangélica suscipere.

**R.** Iste est, qui ante Deum magnas virtutes operatus est, et de omni corde suo laudavit Dóminum: \* Ipse intercedat pro peccatis omnium populorum.

**V.** Ecce homo sine querela, verus Dei cultor, abstinentis se ab omni opere malo, et permanens in innocentia sua. **Ipse.**

ipsam civitatem Argentina, quam maxime Dei gloriæ et animarum salutis operatus fidei propagator, demum in Seckingen, Rheni insula prope Basileam, in finibus Sueviæ, consedit, ubi in honorem sancti Hilárii templum et duplex monasterium, alterum pro monachis et alterum pro monialibus, constituit, ea sapientissime rexit, et ibi circa annum quingentesimum trigesimum octavum post Christum natum sanctissime in Dómino obdormivit.

**R.** Iste homo perfecit omnia quæ locutus est ei Deus, et dixit ad eum: Ingredere in requiem meam: \* Quia te vidi justum coram me ex omnibus gentibus. **V.** Iste est, qui contemptis vitam mundi, et pervenit ad cælestia regna. Quia. Glória Patri. Quia.

**In III Nocturno**

Léctio sancti Evangélii secundum Matthæum

**Lectio vii Cap. 19, 27-29**

**I**n illo tempore: Dixit Petrus ad Jesum: Ecce

**Lectio viii**  
**I**nterpósitis nonnúllis rebus, quæ ex natúra humáni sensus sibi contrária sunt, ratióne quæc rere cælestis intelligéntiæ admonémur. Apóstoli dicunt et sequi se Christum, et se ómnia reliquisse. Quómodo igitur fiunt tristes, et quómodo métuunt, dicéntes salvum esse néminem posse? Namque et ab áliis fieri pótterat, si quid fecíssent ipsi. Deinde cum fecissent, quare metus, vel unde suscéptus est? Additur étiam in responsiōne Dómini, hæc apud hómines impossibilia, possibilia apud Deum. Numquid apud hómines impossibilia erant, quæ et Apóstoli se fecisse gloriántur, et fecisse eos Dóminus agnoscit?

**R.** Sint lumbi vestri præcincti, et lucernæ ardentes in manibus vestris: \* Et vos símiles hominibus exspectántibus dómínū suū, quando revertátur a nuptiis. **V.** Vigiláte ergo, quia nescítis qua hora Dóminus vester venturus sit. **Et.** Glória Patri. **Et.**

In Quadragesima IX Lectio de Homilia Feriæ, alias Pro Ss. Perpetua et Felicitate:

**Lectio ix**

Perpétua et Felicitas, in persecutiōne Sevéri imperatóris, in Africa, una cum Revocáto, Saturnino et Secíndulo comprehénsæ sunt, et in tenebris sum cárcerem detrusæ, quibus ultra adjunctus est Sátyrus. Ibi, cum adhuc catechúmenæ essent, baptizátæ sunt. Tum ad bestias damnantur; cumque a Felicitatē, in partus labóribus dolénte, querebat quidam e custódibus, quid in amphitheátro eset factura, illa respóndit: Modo ego pátor: illie autem álius erit in me qui patiétur pro me, quia et ego pro illo passúra sum. Itaque in amphitheátrum, toto inspectante populo, productæ, primum flagellis cæduntur; tum a ferocissima vacca aliquamdui jactatæ, plagis concísæ et in terram elisæ sunt; demum cum sóciis, qui a variis bestiis vexati fuerant, die séptima Mártii, gladiorum ictibus conficiuntur. **T**e Deum laudámus.

Ad Laudes fit Com. Ss. Perpetuae et Felicitatis, ut supra in I Vesperis. 31\*

Deinde in Quadragesima Com. Feriæ.

Vesperæ a Capitulo de sequenti (S. Thoma de Aquino Conf. et Eccl. Doct.), Com. præcedentis:

**Ant.** Hic vir despiciens mundum et terréna, triúm-

phans, divítias cælo cón-didit ore, manu.

**V. Justum dedúxit.**

**Oratio** Deus, qui perfecit, ut supra. 31\*

Deinde Com. Ss. Perpetuae et Felicitatis, ut supra in I Vesperis. 31\*

Postea in Quadrages. Com. Feriæ.

## Index alphabeticus

	pag.
Conradi Ep. et Conf., De III die infra Octavam, semi-duplex. 28 Nov.	5*
— — De IV die infra Octavam, semiduplex. 29 Nov.	9*
— — De VI die infra Octavam, semiduplex. 1 Dec.	12*
— — Octava, duplex majus. 3 Dec.	14*
Cunigundis Imperatr., Virg., duplex. 3 Martii	28*
Fridolini Conf., duplex. 6 Martii	31*
Henrici Susonis Conf., duplex. 2 Martii	26*
Meinradi Mart., duplex. 28 Jan.	22*
Petri Canisii Conf., duplex. 22 Dec.	18*

